



Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. I. Demonstratur odium & iram non convenire Deo propriè, sed tantùm
metaphoricè,

[urn:nbn:de:hbz:466:1-77232](https://nbn-resolving.de/urn:nbn:de:hbz:466:1-77232)

ras. Nec etiam gaudium , nam illud terminatur ad suum objectum , ut possesum & habitum : esse autem creaturarum est posterius aetu praedicto , cum ex illo causetur : Ergo est desiderium.

30. Respondeo negando Minorem : Ad probacionem , distinguo Majorem : de bono possesso & habito , praeviè ad amorem , nego Majorem . Praeviè ad amorem , aut in vi illius , pro eodem instanti in quo , concedo Majorem ; & sub eadem distinctione Minoris , nego Consequentiam .

Explicatus solutio : Sicut de ratione notitiae intuitivæ , non est praesentia objecti pro priori ad cognitionem , sed sufficit praesentia in eodem instanti reali , licet habita ex vi cognitionis : ex quo inferunt Theologi , Verbum Divinum ex intuitiva sui cognitione procedere , & creature caufari à Deo per scientiam visionis : quia pro eadem mensura durationis existunt , quamvis illarum existentia ex tali cognitione procedat . Ita de ratione gaudij non est possessio antevertens amorem , sed possessio pro eodem instanti reali , eti ex vi amoris habeatur : quod in amore ex quo Spiritus Sanctus procedit , contingit , & ideo gaudium est . Ex quo etiam patet solutio ad aliud argumentum ibidem insinuatum : nam etiam actus voluntatis divinae quo causantur creature , habet rationem gaudij ; quia licet creature non praexistant ad illum , existunt tamen & habent esse ex vi illius in eodem instanti in quo .

31. Objicies secundò : Deus habet voluntatem antecedentem de salute omnium hominum , ut supra ostendimus : Sed talis voluntas non est simplex complacientia de illorum salute ut possibili , cum Deus in nostra sententia , merè possibilia non amet , etiam amore simplicis complacentiæ . Nec amor specialiter dietus , cum ad gloriam terminetur ut futuram quodammodo . Nec gaudium , cum illud sit de bono praesenti , & salus reproborum non sit illi praesens , etiam in mensura aeternitatis , quia nunquam erit in tempore : Ergo est desiderium . Unde Chrysostomus dicit , quod Deus valde cupit & valde desiderat nostram salutem .

32. Respondeo voluntatem Dei antecedentem de salute omnium hominum , esse simpliciter amorem naturæ humanae , secundùm se considerate , & prout est capax beatitudinis & salutis : five potius omnium hominum , prout communicant in eadem natura ad salutem condita , & ad finem supernaturalem elevata ; & desiderium secundum quid , & impropriè , quatenus ad illam ut in se non praesentem , & ab omnibus hominibus non possessam , terminatur : non tamen est desiderium absolutè & simpliciter , quia salus omnium hominum in virtute & potentia Dei perfectè continetur : desiderium autem (ut supra dicebamus) debet esse boni non habiti , nec in actu , nec in virtute , nec formaliter , nec eminenter . Unde quando Chrysostomus talem voluntatem desiderium appellat , loquitur de desiderio secundum quid & impropriè , vel quantum ad effectum : quia sicut pater desiderans filio quid doctus evadat , de mediis sufficientibus providet illi : ita Deus ex tali voluntate quā omnibus hominibus vult aeternam salutem , omnibus confert , vel saltem offert , & preparat media & auxilia sufficientia , ut disputatione 4. ostendimus .

33. Objicies tertio : In Deo est propriè gaudium , non solum de bonis propriis , sed etiam de bonis creaturarum , ut docet D. Thomas 1. contra

Tom. I.

A Gent. cap. 90. in fine : Ergo & desiderium . Probatur Consequentialia . Desiderium & gaudium comparantur ut medium & finis , vel ut motus & terminus : At cui competit terminus & finis , debet etiam motus & medium competere : Ergo si Deo competit gaudium , potest etiam in eo desiderium reperti .

34. Respondeo concessò Antecedente , negando Consequentialiam : quia in gaudio de bonis creaturarum , nulla appetit imperfectione , bene tamen in desiderio ; illud enim debet esse boni non habiti , nec formaliter , nec eminenter , nec actu , nec virtute . Ad probationem , distinguo Majorem : ut medium necessarium semper , nego Majorem . B Non necessarium , concedo Majorem , & distinguo Minorem eodem modo , & nego Consequentialiam . Licet enim desiderium semper ordinetur ad gaudium , ut medium ad finem , & motus ad terminum : non tamen semper petit illud praecedere & initiare , nec gaudium semper illud terminare , nam Deus de seipso delectatur & gaudet , quamvis sui desiderium habere nequeat .

ARTICULUS III.

C An alij affectus voluntatis humanae , proprie , vel solum metaphoricè Deo convenientia ?

Constat ex dictis articulis precedentibus ; Camorem & gaudium propriè reperi in Deo , non tamen desiderium ; quia illud est de bono non habito , nec in actu , nec in virtute ; nec formaliter , nec eminenter . Idem dicendum est de spe . Objectum enim spei est bonum absens & arduum : At nullius boni assecutio potest esse ardua vel difficilis Deo , cum sit omnipotens , & nihil possit ei resistere : Ergo in illo non potest esse spes . Evidens etiam est timorem & tristitia illi non convenire , quia timor respicit malum proprium imminens , & tristitia est de malo praesenti : Deo autem nullum potest accidere malum . Unde duo solum restant affectus , de quibus potest esse dubium & controversia , an propriè , vel solum metaphoricè Deo convenientia ; odium scilicet & ira , de quibus §. sequenti breviter agendum est .

§. I.

Demonstratur odium & iram non convenire Deo propriè , sed tantum metaphoricè .

D Ico primo : Odium non reperiit propriè in Deo , sed tantum metaphoricè . Est contra Suarez , Vazquem , Molinam , Arrabal , aliquaque Recentiores , qui odium propriè dictum in divina voluntate constituant . Est tamen D. Thomas 1. contra Gent. cap. 96. ubi sic ait : Ex hoc autem appareat , quid odium alicujus rei Deo convenire non possit . Sicut enim amor se habet ad bonum , ita odium se habet ad malum : nam his quos amamus , bonum volumus , his vero quos odimus , malum . Si igitur voluntas Dei ad malum inclinari non posset , ut ostensum est , impossibile est quod ipserem aliquam odio habeat . Quibus verbis non solum conclusionem nostram clarissime docuit , sed etiam rationem efficacem ad illam suadendam insinuavit . Odium enim propriè di-

PPP

Quum petit per se primò terminari ad malum: At nullus actus voluntatis divina potest primariò ad malum terminari: Ergo in illa odium propriè dicum inveniri non potest. Major constat, tum ex S. Doctore loco relato, & i. 2. quæst. 29. art. 1, tum etiam ratione ex prædictis locis defumpta. Sicut enim amor se habet ad bonum, ita odium se habet ad malum: Sed amor per se primò terminatur ad bonum sub ratione boni: Ergo odium per se primò terminatur ad malum sub ratione mali. Minor etiam suadetur. Omnis actus voluntatis divina petet primariò terminari ad bonitatem intrinsecam Dei, quia bonitas divina & invenitur, ut supra ostendimus, est objectum ad quam terminativum divina voluntatis: Ergo non potest per se primò terminari ad malum.

36. Dices, quod etsi nullus actus voluntatis divina, sub conceptu prosecutionis, per se primò terminari possit ad malum: per modum tamen dissonantie & fugæ, potest primariò ad illud terminari.

Sed contra primò: Nullus actus voluntatis divina, sub quacumque ratione & formalitate consideratus, potest specificari ab objecto creato: Ergo nec ad illud per se primò terminari. Consequentia patet: actus enim voluntatis specificatur ab objecto ad quod per se primò terminatur. Antecedens vero probatur. Specificari ab aliquo est ab illo pendere, cum specificatio genus dependentia sit: Sed nullus actus divina voluntatis, sub quacumque ratione & formalitate consideratus, potest ab aliquo objecto creato pendere: Ergo nec ab illo specificari.

Secundò, Nulla datur formalitas intrinseca voluntatis divina, quæ primariò obtineat rationem fugæ à malo, & dissonantie ad illud: Ergo nulla datur in illa formalitas, quæ primariò terminetur ad malum. Consequentia patet, Antecedens probatur. Ideò voluntas refutat malum, quia prosequitur bonum; & idcirco creata voluntas suis actibus aliquando terminatur ad malum, illud fugiendo, quia imperfecta est, & quia malum potest illi resistere, & à consequentie boni quod amore prosequitur, impedire: Sed voluntas Dei perfectissima est, nullumque malum potest illi resistere, & ab affectione boni eam impedit: Ergo nullus actus illius, sub primario conceptu, potest esse fuga mali, sed omnis primario est prosecutio boni, & consequenter solum ac secundario fuga mali.

37. Probat secundò conclusio alia ratione fundamentali, & ostenditur specialiter odium inimicitie non posse Deo propriè convenire. Sicut amare aliquem amorem amicitie, est velle illi bonum, quia bonum ejus est, ex complacentia illius, vel in ipso: ita odium inimicitie consistit in hoc quod est velle alicui malum, quia malum ejus est, & ex displicientia ipsius. Unde sicut amor tristitia sumptus duo habet, primò quod ad personam substantiem, quæ talen, terminetur: Secundò quod velit illi bonum, formaliter quæ bonum ejus est. Ita etiam ad odium tristitia sumptum, duas similes conditiones requiruntur: Prima est quod ad ipsam personam quæ substantiem terminetur: unde dicit S. Thomas i. cont. Gent. cap. 96. Amor & odium est propriè rerum substantiem. Secunda, quod velit illi malum, ut malum ejus est formaliter. Sed haec conditiones non habent locum in Deo: Ergo in illo odium propriè & tristitia sumptum non reperitur. Major

A constat ex sufficienti declaratione, Minor vero probatur quantum ad utramque partem. Et in primis quod nulla res ut substantia possit Deo displicere, & ab illo odio haberi, manifestum est: cum res substantia sit effectus voluntatis divinae, & consequenter in ipsa sibi naturaliter Deus complacet, sicut & alia agentia sibi complacent in suis effectibus: ut parentes in filiis, & artifex in propriis artificiis: unde dicitur Sapientia 11. *Diligis omnia que sunt, & nihil odisti eorum que fecisti.* Quod etiam Deus non velit alii cui creature malum, ut malum ipsius est, facile suadetur. Quia divina voluntas non potest ferri extra suum objectum adquatum motivum & terminativum, quod est bonitas sua: unde quando vult pœnam peccatori, non vult illi hoc malum, nisi propter bonitatem suam, ut rationem motivam & terminativam; & nisi quatenus in tali malo reluet bonitas sua, ordo scilicet sue justitiae, & pulchritudo universi. Quare, ut rectè advertit Ferrariensis loco citato contra Gentes, hoc intercedit discrimen inter Deum & nos: quod nos odio habendo aliquem, propriè volumus illi malum, ut malum ipsius est: ita ut licet malum illud non sit motivum nostri actus, est tamen objectum terminativum illius: respectu autem Dei neutrum est, quia nullo modo vult illi malum, nisi ut eluet in eo ordo sua justitiae &c. Quod magis declarabitur in solutione argumentorum.

Dico secundo: In Deo non est propriè ira, sed metaphorice tantum. Est etiam contra Suarez lib. 3. de attributis negativis cap. 7. & disp. de divina justitia sect. 5. ubi non solum odium, sed etiam iram, cum proprietate Deo convenire contendit.

Nostra tamen conclusio est communis Theologorum, & expressè docetur à D. Thoma hic art. i. ad 2. & 1. cont. Gent. cap. 89. probaturque ratione quam ibidem insinuat. Ira est appetitus vindictæ, cum spe ulciscendi, ex tristitia procedens: Sed tristitia repugnat Deo, ut supra ostendimus, & facet Suarez: Ergo & ira. Unde S. Doctor loco citato contra Gentes: *Ira à Deo longè est secundum rationem sua speciei, non solum quia effectus tristitia est, sed etiam quia est appetitus vindictæ, propter tristitiam ex injury illata conceptum.*

Respondet Suarez, non esse de conceptu essentiiali iræ quod ex tristitia oriatur, sed solum quod sit appetitus nocendi alteri, sub ratione justæ vindictæ.

Sed præterquam quod hæc responsio & doctrina manifestè contrariatur D. Thomæ citato, & Aristoteli 2. Ethic. cap. 2. ubi ait: *iram esse appetitum cum dolore.* Et cap. 4. hoc inter odium & iram agnoscit discrimen, quod odium potest esse sine dolore, scilicet vero ira, quæ semper dolor rem præsupponit: potest insuper evidenter ratione confutari. Nam ex ea sequitur, omnem actum vindicativæ justitiae ad iram pertinere, quod nullus unquam dixit. Sequela pater, nam omnis actus vindicativæ justitiae, est appetitus nocendi alteri, seu infligendi pœnam sub ratione justæ vindictæ: Ergo si ratio iræ formaliter consistat in hoc, & non superaddat ordinem ad tristitiam ab offendente illatam, omnis actus vindicativæ justitiae ad iram pertinebit.

38.

39.